


吳郡金石目



成集書叢

編初

著 編 主
五 雲 玉

行發館書埠務商



吳郡金石目



3 0649 1750 7

程祖慶編

本館據滂喜齋叢
書本排印初編各
叢書僅有此本

吳郡金石目

清程祖



晉太康八年。文曰：大康八年七月十七日，吳賀申作十七字。左側吳工行三字，反文。皆寸許。乾隆乙巳，出洞庭湖，鈕布衣樹玉得之。今制為硯，藏嘉定瞿氏古泉山館。

隋上方山寺王以成題記。文曰：大隋大業七年辛未歲七月甲申朔乙酉造，邑主王以成，凡廿四字。八分書，徑六寸許。按上方山古謂之橫山，寺名楞伽，為宋寶積治平二寺。今止存治平，此刻未見前人著錄。

近代講金石家謂文刻於塔盤，誤。乃刻於井口之圓石版，因譌為盤耳。

唐褚河南書枯樹賦。在太倉吳氏祠壁，正書。文與今錢塘倪氏璠注庚子山集頗不同。据此可證其誤。

唐文皇哀冊。褚遂良書，亦在太倉吳氏祠。冊文五十六行，字徑四五分，行書橫石，闊狹各二冊。文之後有陳深跋，為兩闕石，又一狹石，前為吳文定寬跋，後為紹興戊辰年跋，姓名已磨滅。又一石，前五字亦不可辨。其後則王鳳洲世貞、麟洲世懋、昆仲詩及跋，載王氏金石萃編。

唐寶應元年金大娘壙志。文曰：孝男徐德行，以空大唐寶應元年七月十四日葬。空一字，金大娘於崑山依仁鄉，從空父穴也。入土而并葬，永安無患。凡五行，正書，字徑五分，刻于甌。二出嘉定徐家行鎮，今藏見古閣。

寶應甌文。與金大娘壙志同出徐家行鎮。正書，徑二寸半，陰文，寶字作室。

吳郡金石目

50270

083
114
21533

唐故龔夫人墓誌銘并序。正書十二行。字參差不齊。大者徑七八分。小徑四五分。誌言。夫人敦海郡人。祖諱黃頭。按後魏張猛龍碑陰。有鮑黃頭。北齊董洪達造像記。有張黃頭。馬黃頭。周費氏造像記。有費黃頭。王妙暉造像記。有徐黃頭。以此爲名。其來已久。誌又言。夫人春秋六十有一。自貞元廿年。歲次甲申。五月甲戌朔。講疾而終。葬於吳城東北干將鄉和合坊界。按甲申下。翔字衍。遴疾作講疾。遴講古文罕見。通用。鄉坊名見吳地記。而後人鄉亦誤爲坊。誌又言。有一子少儒。恐陵俗遷移。故以尅塋爲記。永閉白日。孤夜長辭。按儒閑辭皆當時破體。谷作俗音。雖近而義不通。刻作尅。古人閒亦用之。甄出土未久。故未見前人箸錄。

唐周球故妻張夫人墓誌銘并序。正書八行。字差參不齊。徑六七分。亦近年出。六直鎮土中。誌言。元和十四年四月廿四日。歿於私舍。以其年十月一日。窆於依仁鄉甫里村。又言。有子澄。叩地泣血。恐陵谷改移。刻塋于号。按吳地紀聞。甫里在長洲縣東南五十里。爲陸魯望躬耕之地。据此知甫里爲唐時村名。後代民居日多。故姑蘇志列爲長洲四鎮之一。其文終旁从歹。血上加一。皆當時俗體。下云刻塋于号。文義鮮通。刻作尅。又爲寫泐之謬。誌中世字爲當代。廟諱竟不缺筆。草野不知功令。無足怪也。

唐故右內率府兵曹鄭君墓誌銘并序。潁川陳濟之撰。正書廿行。字徑四五分。未見前人箸錄。碑石亦未知出於何年。見於何地。誌言。君諱準。字闕道。其先滎陽人。又言。太和四年正月二日。遴疾。終於蘇州華亭縣白砂鄉徐浦場之官舍。卽以其年秋八月廿五日。權塋于義興縣洞庭鄉震澤里下朱村。原從

宜也。攷唐時鄭氏有宰相九人。支分南北。此誌述鄭君曾王父璿。王父溥。尙書右部郎中。歷青刑相衛。幽懷七州刺史。入爲左庶子。皇考華。駕部郎中。吉州刺史。璿溥名竝見新唐書宰相世系表。乃北祖之後也。表於溥下。但注左庶子。未載其先曾官右部郎中。歷青刑相衛。幽懷七州刺史。而華下注云太常博士。不云駕部郎中。吉州刺史。與誌異。表於華下。不書子孫名。今据誌準爲華之少子。則華不止一子。而準又有子五人。宗儒。宗韞。宗慶。宗遜。又一子爲僧。皆可補表之闕。孫光憲北夢瑣言亦載蔡陽鄭準事。則別是一人。白砂鄉見楊潛雲間志。又有嘉興監徐浦下場。殆卽此所云徐浦場也。石今藏陸直潘驥家。云得之洞庭東山。

唐故邵府君墓誌銘并序。首尾共十四行。二十四五字。二徑五六分。正書。刻於甗。曼漉殊甚。可辨者。君諱咸。字文立。雁門郡人。又云以開成元年。孟闕之月。闕構疾。廿六日。終於私第。其年十一月廿七日。葬於長州縣西六十里依仁鄉。其甗之左側。又刻其墳東西開貳丈四尺。爲他碑所罕見。此甗與甫里周球妻及斷墓志皆近出陸直土中。今藏古泉山館。

佛頂尊勝陀羅尼經幢。署款一行云。蜀賓沙門佛陀波利率空。詔譯。唐會昌三年。壬戌九月八日。寺僧文鑒等同建。沙門契元書。同建。幢前甗右武衛長史陸榮。大匠吳郡陸永。司馬闕鵠。鵠字起皆。旁寫。幢在洞庭西山包山寺前。

又在包山靈佑觀西二里許。路旁小剎牆外。上刻宋開禧乙丑閏中秋。及五年。平江府湖常州太湖水。

面白沙巡檢及油公郎吳縣尉兼巡捉私茶鹽等銜名。

又亦在包山靈佑觀西與前幢對峙相距丈許皆唐會昌中建一修於開禧中而此修於明蓋下列明包山寺重修二石塔住山呆庵道人法住題云二餘剝蝕不可辨。

又大中五年歲次辛未五月建正書在光福寺門前書人姓名已不可辨。

又大中六年十二月廿七建正書亦在光福寺前無書人姓名。

又幢八面二九行二五十八字二徑六七分款題唐咸通八年歲次丁亥十二月丙申朔五日庚子建

幢主弟子莫少卿空置院老僧行齊空院主僧文脩又行題時秦平興國五年庚辰三月甲戌十一日

甲申僧子湘并小師慶恩慶明重修此幢兩所永充供養院主僧子闕捨財刻字比丘妙聰思職空後

又題大元二統元年重建大殿移幢基址向前添新易舊次年甲戌四月闕幢在嘉定縣南廿四里南

翔寺大殿後錢氏潛研堂跋尾云太與泰古文只一字此題年號太作泰李陽冰先塋記天寶作天琤

古人於本朝年號或用古文別體無所嫌也。

又制與前同款題唐乾符二年歲次乙未秋八月十八日建弟子莫少卿建此幢永充供養闕老宿僧

行齊空院主僧文脩空又行云當院徒弟僧子湘并小師慶恩慶明捨衣鉢重修造尊勝幢兩所上下

各二十四層造行道菩薩各八身并闕永充供養時太平興國五年庚辰三月甲戌十一日甲申立殿

主文廣上座僧過宗院主僧子昌空後又題大元二統元年歲次癸酉七月吉日鼎新大殿因移二幢

墓址向前添新易舊。次年甲戌四月吉日。募緣重鑄上經字。住持慧燈廣闕佛心妙行大師曇證重建。亦在南翔寺。此題宋紀年。太不作泰。二幢皆經元人修鑿。非復唐人原刻。

又 乾符五年七月十四日建。有同勾當弟子許亮李闕代榮捨錢數。及院主僧敬能。直歲僧行球。匠彭城劉恭等字。在昭文縣梅里鎮。

王夫人墓誌銘并序。近年移建東山廟。於故址中掘出。已殘闕不全。中有武丘山字。

唐墓誌殘刻。首尾十三行。正書。字徑六分。上截已缺。姓名無攷。僅存依仁鄉甫里等字。與元和間周球妻墓誌同。亦唐刻也。輒亦出六直鎮。

龍興寺唐斷經幢。止存下截。尺五六寸。八面。二寬四五寸。正書。字徑五分。在郡城內財帛司廟北間壁。龍興寺內。志乘失載。攷郡志。寺在吳縣西南。梁朝置。紹興中。於官倉瓦礫得房瑄所作寺碑。韋夏卿再立石。今寺規模甚隘。已非舊址。碑亦訪之不得。文載志中。尙可攷耳。

佛頂尊勝陀羅尼經幢。幢八面。二各九行。行書。徑五分。第八面。後四行皆低二字。有女弟子徐十四娘。爲亡夫許二郎捨錢。及男女等各姓名錢數。又有上座寺主都維那各僧名。平原陸展書。琅邪王束鑄。幢在虞山破山興福寺。有兩石幢。其一爲金貞書。皆未見年月。趙氏竹庵庵金石目錄載之。

須菩提像碑。戊辰歲王澣作。行書。字徑二寸許。紹興間。辰吳門妙闕正書。字徑八九分。碑在朱明寺。龍興寺僧妙應事。詳吳中舊事。當卽其人。

天台五百尊者圖碑。在朱明寺右邊。上題姑蘇朱明寺五字。左邊上題東晉永和元年正月十一日立。十一字。正書。徑六七分。玩其字體。乃後代妄人續刻。此卽紹興王淞所作須菩提像碑一面。據吳中舊事。亦妙應所刻。

吳越王投龍簡文。寶正三年投。國朝順治初。吳中大旱。太湖底圻。居民得於湖濱。以銀爲之。重二斤。一兩。雍正中沈拙齋搨得其文。簡形高六寸三分。寬五寸二分。強。四圍有花邊。寬七分許。作龍蟠雲水文。中鐫十行。二廿一二字不等。共百八十九字。小正書。徑二分。太湖備攷中載其文。以此校之。市物誤作事物。壬申誤庚申。又祝誤祝。三年誤二年。歲在作太歲。餘文皆同。

吳越國中吳府故高陽許氏夫人墓誌銘并序。鳳凰鄉釋惠闕撰。首尾廿三行。二廿五字。正書。徑三四分。無書人姓名。但見拓本。不知石在何處。誌中有云。顯德四年十二月二十日。迂厝於府城西五里長洲縣武丘鄉大來里。

佛說大佛頂陀羅尼幢。款題。下元甲子。顯德五載。龍集戊午。月躔南斗。高陽許氏建。在虎丘千人石上池邊。

金塗塔文。題云。吳越國王錢闕敬造八萬四千寶塔。乙卯歲記。正書。字徑三四分。

加句靈驗佛頂尊勝陀羅尼幢。款題。弟子司馬閏光。曾口許尊勝幢子一隻。不記年。伏今特發心。製於開元寺觀音堂內供養。願先亡久遠。離苦超昇。永充養云云。末題丁巳正月廿八日。幢舊在郡城開元

寺今藏嘉興張叔未廷濟家。以上自晉隋唐迄吳越凡廿九種

加句靈驗佛頂尊勝陀羅尼呪幢。款題南贍部洲大宋國蘇州長洲縣道義鄉住居弟子沈德遇為新

婦蔣四娘立。咸平二年己亥歲閏三月一日記。正書。攷長洲縣鄉十九圖廿二道。義鄉管圖三。在城中。

此幢即立於蔣四娘之墓前。但見拓本。不知幢在何處。

靈巖山多寶塔寺狀帖碑。寺主掌僧文熹狀。景德四年帖。首行行書。餘皆正書。攷靈巖山之塔。建於宋

太平興國二年。乃平江軍節度使孫承祐。范志載有承祐所撰新建觀塔記。而据孫觀智積菩薩殿

記云。梁天監中。以吳王館娃宮故址。為靈巖寺。宋興始改賜秀峯禪院石湖。但据記云。秀峯禪寺。据此

刻。則在真宗時。稱多寶塔寺。為范志所未及。

大宋蘇州長洲縣平原鄉魯國閔君墓誌銘并序。大中祥符壬子二月。孤子仁度書。河內司馬雲刊字。

誌中楓橋作封橋。婁門作樓門。石出駁船浜。地近楓橋。農人耕土得之。

閔氏大郎等殄世記刻。大中祥符五年二月。正書。七行。据閔榮墓誌言。大墓元在樓門外陳公鄉。攷長

兄超。妯娌母鄒氏。先室顧氏。竝瘞此地。今利發彼三茔。附於一處云云。則此因遷葬後別記者。

保寧寺井闌題記。大中祥符七年八月。僧贊闕二子邵文紹闕下。正書。三行。寺在寶山縣江灣鎮。

重建渡僧山塘等橋記。建於宋至道中。其時尙屬虎丘山寺。以濟四方僧衆故名。天禧四年二月望日。

靈巖寺僧知則書。艸書。司馬邕刻。前後列捨錢人及助緣僧等姓名。行書。

虎丘僧清順等題名。正書。在虎丘山壁。

包山靈佑觀建造碑。天禧五年十月。在觀之東廊壁間。

包山靈佑觀勅文碑。天禧五年十月十六日。行書。在洞庭西山。

虎丘山張希顏等題名。天聖元年二月廿一日。行書。在石壁。

又王瀆等題名。天聖元年九月十四日。正書。左行。在劍池石壁。

又王質等題名。乙巳九月廿日。正書。在顛頭石上。錢氏跋尾載之。

又朱巽等題名。天聖八年八月十二日。行書。在石壁。

馬禪寺橋石柱佛號題記。寶元二年。正書。在大石頭巷西竺寺橋。

范文正公書伯夷頌。在范氏義莊。頌後有宋元人跋。

范文正公道服贊石刻。同上。

范文正公與尹師魯手帖。同上。

重建乘魚橋記。沙門釋達本述。至和元年八月初二日。後列捨錢人姓名。正書。碑在橋側。吳郡志載其

文多誤。碑文天禧作禧。他碑所未見。

沈文罕修塔石刻。嘉祐五年九月。正書。舊在玄妙觀前宮巷口塔中。今藏古泉山館。制爲硯。

重建醋坊橋記。治平乙巳八月十五日。勸緣天慶觀主兼監庫道士方希辨題。正書。十七行。在橋側。橋

在城中。

菩提寺石礪題記。題云亡錢大娘亡前妻闕功德報答四恩闕丁未治平四年四月正書三行字徑五六分寺在安亭鎮今爲崑山嘉定兩縣地礪字見梁書諸夷傳廣韻上聲三十七蕩注柱下石也蘇朗切。

范文正公義田記碑。晉陵錢公輔撰吳興趙雍書至正庚寅七月望日行書。

蘇州堯峯山闕二字寺寶雲大師塔闕。葛闕撰張譽書葛闕篆額熙寧四年首尾廿九行二卅四字二

徑七八分正書在堯峯山頂寶雲寺大殿後廊壁間未見前人著錄。

唐興殿記。篆書四字橫列碑首徑五寸許記文十六行字徑四五行書在安亭鎮菩提寺內下半斷失年月及譌書人姓名已不可攷据碑言至道初朱仁幹復募緣造殿而寺中見有治平四年建炎二年捨錢製造石礪題記知此碑必立於至道以後非北宋英宗時卽係南渡初年重修今姑埭治平之末記中所言因孫軍毀者當是吳越錢鏐時與楊行密將李友攻陷中吳之孫儒也此碑舊搨本末後尙有縣丞兼河溝五字今已殘蝕不可辨矣。

虎丘石壁佛經并題銜名。在石觀音殿壁正書無年月可攷。

東京啓聖禪院真身瑞象歷年記。元豐四年五月望日正書在婁門內小關帝廟上鑿佛象下刻記文。攷北宋建都汴梁開豐縣曰東京則院在開豐卽以開豐石刻重摹者。

蘇文公書歸去來詞赤壁賦等石刻。行書。前有序。題元豐甲子。石在太倉張氏。

包山許輔等題名。正書。元祐孟秋十有一日。而不書年。當是元年。在包山丙洞右。

蘇州學記。州學教授朱長文撰。嘉定八年十月。教授周仲卿重刻。祖臯書。正書。後有跋及銜名。在府學。

宋故左中散大夫致仕上柱國普寧郡開國侯食邑壹仟壹百戶賜紫金魚袋徐公墓誌銘。蔣之奇撰。

黃履書。章衡篆蓋。元祐八年十一月。正書。卅行。二卅五字。二徑五分。在吳縣蒸山龍窩塢。徐名師閔。梗概詳郡志及中吳紀聞。大略與此合。撰書及篆蓋者。宋史皆有傳。

范文正公像贊碑。閻灝撰。宋之才書。正書。在政和七年以前。紹興庚午五月。曾孫直方重刊。至正己丑十日。八世孫廷英立石。元好問有跋。

范純禮告身殘石。草書。後半已闕。在范氏義莊。

虎丘試劍石題字。紹聖己亥。呂升卿題。正書。

又黃安仁等題名。紹聖四年三月。正書。在生公講臺下。

又曾處善等題名。元符庚辰。正書。在山浜內新構同善堂公所之小亭外壁間。

蘇文忠竹石刻。當在府學後。有明人題跋。畫之左。有住虎丘山閩粵慧先上石數字。

虎丘賀方回等兩次題名。在千人石上方。回。宋史文苑有傳。亦詳中吳紀聞。

又石觀音贊。住普照子英撰。崇寧二年孟冬。闕陽蔡林書。行書。宣和壬寅季冬。闕淵上石。一行。正書。在殿內。

蘇州常熟乾元宮興造記。崇寧五年正月。吳郡沈垌記。正書。在虞山致道觀。

靈巖山天粹等題名。題云。天粹拉百祿子山天和游天粹子爲專爲方侍。行書。後刻政和九年四月二十九日沙門禪鑑大師一行。正書。刻在景德四年多寶塔寺帖之反面。

虎丘孫端等題名。政和甲午四月。正書。在石壁。

范文正公義莊規矩續定規矩碑。正元甲午重刻。治平元年劄子。及皇祐時所定規矩。後列熙寧元豐紹聖元符崇寧大觀政和等年。續定規矩碑中。以升爲勝。以斗爲斟。以石爲碩。皆當時市俗行用之字。在義莊。

靈巖慈受和尚披雲臺頌。宣和元年五月下泔。嗣法廊庫比丘中正上石。行書。又有丁巳仲秋下泔。眞慶安孫觀跋。在靈岩山下。

慈受和尚入定觀音贊石刻。贊隸書。識語正書。据前頌。亦定爲宣和間刻。在靈巖山寺。慈受詳中吳紀聞。

靈岩山王景仁等題名。宣和壬寅端午日。在寺大殿外東壁。行書。寺僧立石。一行。正書。
虎丘胡少汲等題名。宣和六年三月二十三日。左行。正書。在石版壁上。以上自宋景德至政和凡冊六種。

菩提寺沈彥淪石礫題記。記云平江府崑山縣安亭鄉桑浦村居住清信弟子沈彥淪弟彥深母親方氏四娘捨錢三十八貫五百文製造石礫二十八個入殿內保懺罪愆仰答四恩三有建炎二年四月二十一日謹題仍薦亡翁沈五郎婆徐氏一娘子仲氏三娘子亡考沈六郎衆魂生界正書六行字徑八九分周圍刻之在安亭鎮菩提寺內安亭姑蘇志已列爲鎮無此鄉名矣桑浦村名亦不載

又上數字漫滅下云沈彥淪闕彥清彥深捨礫十八个乞懺罪愆闕四恩三有仍薦方官沈五郎家徐氏一娘子仲氏三娘子亡夫沈闕郎闕往生闕界空洞庭元山石匠朱式亦正書周圍刻同在菩提寺中

敕書碑額題敕書之碑四字二行上層刻太常寺狀廿五行皆正書徑七寸許下刻尙書省牒行書六行字二三四寸不等末大正書低一字題參知政事等銜名兩行字扁而漫漶尤甚尙書省牒四字高出上層行在太常寺狀之前爲他碑所罕見石久斷爲三已失中一段牒文之末存有建炎年號文載舊志云建炎三年五月尙書省徐悌題請褒封金山龍神敕文悌宋史無傳名亦不見宰輔表石在寶山江灣鎮景德觀俗稱東嶽廟中僻在鄉鎮未經前人箸錄敕闕卅字文云行在太常寺狀准尙書省劄子左武大夫福州觀察使節制闕舡軍馬闕三字劄子臣昨在平江府江灣摠治戰闕以除兇逆竊聞本鎮有秀州金山龍神顯應忠烈公闕廟一方崇奉甚著闕跡臣遂闕二字統制官將等至祠下闕仲祈闕二字海道闕二字蚤達行在當具奏聞乞闕重起廟闕既而闕二字進闕五字海道二千餘里

三日之內。闕沙西。闕率先諸軍至杭州。闕下闕四字至一行闕。廟下闕四字可神効。闕伏見空廟字。闕三字。闕安闕二字。聞曰。闕顯應。臣不敢緘默。伏望空闕上。慈行下。平江府坐支闕。省委本路增修廟宇。仍乞空錫封爵。庶闕二字。傾仰。副空陛下。懷柔百神之意。取進止。四月二十五日。三省同奉空闕上。令平江府支錢二百貫。增修廟宇。仍令太常寺闕見下闕六字。封劄下寺。今欲闕顯應忠烈順濟公。伏乞闕下。八字。敕封金山龍神顯應忠烈公。闕下。牒云。尙書省牒二奉空下。敕二凶干紀。未就誅翦。爰有虎臣。來邁戰艦。乃風不揚波。安行無恐。有以見神陰相國事。而王師之舉必捷也。是用錫之緡錢。更新廟貌。因神舊秩。增重美稱。宜特封顯應忠烈順濟公。須至准空敕。故牒空。建炎闕下。參知政事闕下。尙書右僕射同中書門下平章事。闕下。按今松江府淪沒入海之金山縣。宋屬秀州。而我邑未建縣以前。地隸崑山。故碑稱平江府江灣鎮。而云本鎮有秀州金山龍神顯應忠烈公廟者。金山原有是廟。又建於江灣耳。福州觀察使及摠治戰艦。以除兇逆云。二當卽高宗紀。載建炎三年三月。苗傅劉正彥叛。禮部侍郎張浚。命措置海舶之節制。參議辛道宗也。時勤王師。由海道趨杭州。故碑中有諸軍至杭州字。兇逆卽指苗劉。是年七月。韓蘄王世忠。擒兩人以獻。碑立於五月。故牒中有二凶干紀。未就誅翦之語。虎臣卽指道宗。或以爲蘄王非也。是時參知政事者李邴。碑已磨滅。封金山龍神廟號始末。詳宋楊潛雲間志。惟與霍光廟混而爲一。則志之誤也。

平江府學田記。紹興四年四月。孫衛譔。後列各縣田蕩米石租錢數。皆正書。

白玉相好觀音記。紹興五年五月正書。後有觀音身真珠貳顆交割一行。行書。在靈岩秀峯寺。
虎丘向子禮題名。紹興八年在石壁。錢氏跋尾載之。

吳郡重修大成殿記。翟耆年篆額。米友仁書。鄭仲熊撰。紹興十一年四月。行書。錢氏跋尾云。碑版之例。譏人題銜在前。書者次之。篆額者又次之。此碑正與相反。蓋他碑題銜在前。以右爲上。此碑題銜在末。以左爲上。

平江府修學記。鄭億年撰。紹興十五年十二月。朔建。時衍之書。正書。徐琛篆額。王暎立石。案億年王暎其人不足稱。姑存以備攷梓桑文獻云爾。

徽宗時賜劉旣濟手詔石刻。紹興甲戌重刻。行書。在崇真宮。
又賜道士項舉之宸翰。刻前碑之陰。亦行書。

高宗賜楊存中家廟銅鼎文。紹興丙子五月古篆。楊宋史有傳。范文穆王文恪姑蘇志。皆言存中曾居令坊。二屬長洲。此器亦當爲吳中故物。第不知流落何處耳。

高宗手書敕文。文云。虎皮藥韉一副。弓五張。至可領也。押。石刻在郡城南禪寺收垣中。據押。審爲高宗。付韓蘄王手書。

報恩寺王億年塔甃殘文。五行。二存六七字。正書。下同。皆紹興中物。藏郡城韓氏寺。在城北郵。故俗呼北寺。

前靖州軍事推官張傑塔甄殘字。八行。下已斷缺。形制與前甄略相同。亦有紹興字。及國學教諭進士張聖仕銜名。張見鄉舉題名碑。署銜皆詳宋史。

又甄。文四行。參差不齊。正書云。元東京住。今寄居平江府吳縣利娃鄉飲馬橋北街西住。弟子闕三字。與家眷捨塔甄一阡伍闕三字。德保扶合宅家眷安闕字。徑四五分。中有界印。乃版印於甄上。案原本之原。宋以前多作元。自明太祖繼興。忌元爲國。改元爲原。後相承用之。東京卽宋建都汴州之開封。時已南遷。存其舊名耳。利娃卽麗娃。沿唐之舊。飲馬橋名載吳郡志。姑蘇志言瀆祜中建者誤。或至此重修耳。

又。制與前同而文異。凡五行。另有反文報恩寺甄四字。文中有長洲縣儒教鄉舸城北保等名。姑蘇志但有鄉名。於古蹟載柯城在吳縣界。又云舸城在平門外。皆不屬長洲。中又有承信郎及承事助教等銜名。俱詳宋史職官選舉志。

又。文四行已斷缺。亦有反文四字。中有雙鳳鄉塗菘市俱隸常熟。明弘治中。割隸太倉。中列婦人姓氏。下有稱妙連妙因妙慧妙性妙賢戒香等名。殆皆受戒於浮屠之法名也。

又。文存五行。中多殘缺。有杉瀆字。此橋名之見於郡志者。

又。存下半四行廿八字。亦有名妙觀者。今藏古泉山館。

又。甄文五行。藏郡城汪氏。中有稱處州松陽縣久智鄉第十七保闕二字。村居住。今寄平江府吳縣利

娃鄉白礬橋二北張家巷二西居住。弟子楊公遠云二處州爲南渡後所分兩浙東路四州之一。屬縣六。松陽其一也。白礬橋與前杉瀆相近。姑蘇志載有章家橋巷。而宋刻平江圖內有章家橋。章氏始末詳中吳紀聞。

又大小與前輒同。有道義鄉大木巷內居孝男陸綱與等字。巷名不見舊志。

傅氏妙喜塔輒題記。出宮巷塔中有孝妻傅氏妙喜爲其夫修塔。而下列孝男虞宗臣等姓名。稱孝男已不如孝子之古。而當時又以孝字加之。妻且有妻亡而稱孝夫者。則南宋以前未之見也。

隆興塔輒題記。隆興二年九月圓日。亦出宮巷塔。今皆藏古泉山館。圓日月圓之日。猶言望日耳。見翻宋本司馬氏書儀序後。署菊月圓日。

崑山縣修學碑。范成象撰。黃萬頃書。八分書。乾道二年正月。据碑。李吉知崑山州。多政績。志但列其名。無年月。縣丞趙善待尉王齊輿亦無年月。而主簿張道之并失載。書碑之黃萬頃。登紹興八年進士。署銜左朝請郎。新知興化軍。主管學事。江夏黃某。郡志未載其籍貫與官。

范文穆三高祠記斷碑。乾道三年六月。正書。在吳江長橋垂虹亭之對岸。祠中祀范蠡、張翰、陸龜蒙。姑蘇鄉元山保井闌題記。乾道九年十一月十三日。正書。但見拓本。鄉名見姑蘇志。元山亦作龍山。卽龍頭山。

府學二字碑。隸書。款署大丞相太尉中書令文惠陳公筆。宣教郎充平江府二學教授潘旦立。淳熙丙

申季冬既望。學錄學生吉中孚跋。正書。在府學。文惠名堯佐。宋史有傳。跋中云。權守向公者。卽向宗原。見郡志。曾以提刑權平江府牧守。題名遺載。

韓斬王神道碑。孝宗御題額。趙雄撰文。周必大書。正書。在靈巖山之麓。碑立於淳熙四年二月。文與宋史及宋槧本名臣碑傳集略有不同。王氏金石萃編所載亦有誤處。

包山范至先等題名。淳熙戊戌孟冬。正書。在陽谷洞口右壁。

靈濟廟牒。淳熙十年九月。行書。在城中五龍堂內西壁上。已斷失。

安民石橋題記。正書。三行。十五字云。淳熙十三年七月初六日。重建安民橋。二名載郡志。

摩訶般若揭帝寶幢。幢凡八面。二寬四寸半。上刻佛象。五面勒大功德天咒。揭帝咒。金剛穢跡神咒。尊

勝心咒。皆正書。徑七八分。款云^{上闕}二字。伏祝當境比年以來。兇惡至多。風俗不嘉。謹募衆緣。建^闕摩訶般若

若揭帝寶幢壹座。鎮壓此方。惟願自此。向人屏息。萬福咸臻。物阜時和。風調雨順者。空^闕昔皇宋丁未^闕

熙十四年九月空日。幹緣僧修^闕題。另行題平江府崑山縣崇顯教院^闕持。天台^闕教。加號法^下又^闕一

面。題祝延清寧保國安民八字。徑二寸許。熙字上一字適當斷處。以丁未證之。知爲淳熙。又二而貼壁

不可搨。在嘉定縣獄蕭王祠內。縣建於嘉定十年。故此刻猶稱崑山。當分縣時。度卽改院爲署。而志均

未及。幢闕縣獄。前人未有知之者。瞿先生中溶於嘉慶甲子始搜得之。唐以後多喜造經幢。祈禱禳災。

此因境多冤人。風俗不嘉。建此鎮壓。設想雖愚。意則遠勝之矣。宣和畫譜載有唐陳閎所畫揭帝象。中

吳紀開載有常熟破山寺僧誦揭帝咒以驅龍。二破山而去事。所謂咒。即唐人書刻聖教序後之揭帝揭帝波羅揭帝波羅僧揭帝菩提薩麼訶四句。

寶林寺石礫題記。淳熙十五年二月。正書。寺在城中。有承訓里名。志失載。

平江府學御書碑。洪邁撰并書。正書。在府學。御書乃高宗所書。諸經石刻。詳李心傳繫年要錄。以上自

淳熙凡冊四種

袁說友張體仁同年唱酬詩刻。在府學。正書。首列范石湖序龔頤正跋。後刻十三人詩。錢氏跋尾載之。

吳郡壽寧萬歲禪院記。紹熙改元仲春旦日。當山住持傳法蒙祐妙思記。二剎寺緣由甚詳備。郡人鄉

貢進士經炳文隸書。

方氏闕娘造橋題記。紹熙四年三月。正書。在玄妙觀西南廣化寺橋洞內。

靈濟廟勅封五龍碑。紹熙五年五月九日。行書。

包山趙彥權禱雨題名。紹興甲寅五月十二日。八分書。在陽谷洞口。趙彥權姑蘇志守令題名失載。

包山楊坦然等題名。紹熙甲寅下元日。正書。在丙洞左石壁。

張成等義井題記。紹熙開五月。後有嘉定改元寶祐四年重修題字。皆正書。在玄妙觀前大臣坊巷。

吳郡武舉登科題名碑。始建炎二年。止紹熙元年。皆正書。在府學。

包山趙希實等題名。慶元乙卯季冬八日。正書。在丙洞西壁。

竹鶴二字碑。篆書。慶元丙辰孟夏。在府學臨川何異得。武功蘇唐卿篆。因刻於浙西憲治云。何宋史有傳。

張安國書盧坦傳語碑。慶元丙辰孟夏。行書。刻於竹鶴碑之一面。

通神庵簔衣何神碑。承直郎胡袤撰銘。在玄妙觀簔衣真人殿後壁。

范氏復義宅記。樓鑰撰并書。慶元三年秋。元版二范集及吳郡志皆載此文。有不同處。當以碑爲準。樓宋史有傳。

重建顧家橋記。慶元三年十一月。正書。在橋側。橋在長洲縣境。記後列捐錢人銜名。舊志未載。而吳地記言之甚詳。

平江府新建廣惠行祠記。慶元四年六月朔日。莫子純記。孫應時書。正書。并篆額。在郡城二隍廟。義莊砧基簿公據石刻。慶元五年。正書。

丹陽公祠堂記。慶元五年六月。朱文公撰。署銜僅存朝奉大夫致仕婺源縣開國數字。記行書。後有張洪跋。署銜存下半國史。修撰事承務郎邑人某某耳。

范氏義莊題名碑。慶元六年閏二月望日。奉議郎孫應時序。

重修長洲縣主簿廳記。慶元六年庚申三月。長樂黃士特記。山陰孫應時書。行書。俊義盧瑋隸額。在長洲縣學儀門東壁。

龔大雅義井題記，井凡八面。半刻義井溥施四大字，二徑六七寸，一面居中刻南無五千四十八卷大藏十字，二徑寸餘。記文六行，二十八九字不等。徑五六分。文云：大雅伏念丘墓，闕二字。長途，闕。邈觀往來之甚衆，闕。渴乏以何堪，不拘士庶工商，誰辨賢愚貴賤，或逢炎暑，或遇晨昏，非穿鑿於高原，曷闕二字於闕困，未效章闕之闕狀，闕四字之報義。聊闕誠心，竝爲義井，報祖宗之艱業，得後裔之榮昌。飲此泉人，俱沾利澤。又行低三字，題太歲庚申季冬丙申日龔闕二字書。平江府吳縣元山石匠朱守寧開末行題南無大方廣佛華嚴經九字，較大。七八兩面，一九行，一十行，大小與記同。惟漫漶不盡識。祇存就先祖墳所字，北至大塘字，具列於左字。及母闕氏夫人，承事太叔婆曹氏，叔婆馬氏，承事婆陸氏，十四娘子，承事叔婆陳氏，亡叔翁四六郎，四七郎，五十郎，叔婆徐氏，滕氏等字。末題宋慶元六年十二月日弟子龔大雅一行，尙可辨。蓋竝井祖墳之旁，以資冥福。墳今不知所在。井在嘉定南翔寺九品觀後廢園中。錢氏跋尾載之。

永定鄉安仁里義井題記。嘉泰元年正月，正書。在郡城西泮環巷河岸。

開禧元年三月望重修。正書。九字。刻在閣橋內。

胡六八將仕等開井題記。開禧二年八月，正書。舊在金獅巷中。有稱普教寺。卽府志所載之永定寺。

義莊獨免敷借船隻軍府牒石刻。開禧三年十一月，正書。

定城令趙用墓碣。嘉定乙亥二月十三日葬長洲縣彭華鄉許墅之南岡。後署三子勳、勞、勞。二女。長適。

迪功郎楊澤再適進士姚子寅次適甥進士張大壯勳等書李大東書諱。

平江府嘉定縣南翔院長懺觀堂記。僧居簡撰。正書。篆額銜名。存下半軍府兼管內勸農營田事賜緋

魚袋陳書人僅存一林字之姓名皆不可攷。錢氏跋尾云。文見北澗集。二中爲南翔寺作者。有長懺院記。僧堂記。大殿碑陰記。與此凡四。今惟此石僅存。文多漫滅。可識者十之三。與集本亦間有異同。未題嘉定九年。季冬既望。縣建於十年。蓋撰文之次年書而刻之石耳。

崑山縣清真觀建昊天閣記。陳振記。鄭準書。姑蘇志不全載此文。陳振見玉峯志。建閣緣由亦載。準爲

華原郡王之諸孫寓居崑山者。題額頗有致。惜鄭準下有從闕郎一條。已缺失不全。

義莊蠲免科敷和買公據石刻。嘉定十年五月。正書。中有稱安撫劉公者。當卽忠肅劉珙。王提舉者。當

是王鈺。見姑蘇志名宦傳。安石之孫。和買見食貨志。

財帛司廟前井闌題字。嘉定辛巳四月。正書。在明澤橋北。中有稱弦歌里西菓行等名。不見於志。

平江府添助學田記。嘉定庚辰臘月。郡文學溫陵謝南記。并書。記下刻嘉定十一年正月十月牒文二。

及官銜姓名田數米石。在府學。

馬行園重製井闌并衣題記。嘉定十二年正月。正書。在崑山馬鞍山下。

重建南新橋題記。嘉定十四年仲冬十一月。正書。在今曹河徐橋內。

重建胭脂橋題記。嘉定十五年二月八日。在馬津橋東南側題橋柱。

重建德慶橋題記。嘉定壬午八月甲申在橋內正書。

桑盤金城王廟石香爐題記。嘉定十七年孟夏中旬正書。吳江翁大年。按得於廟旁榛莽中。今藏其家。

宋故通判趙公壙志。趙名崇雋。嘉定甲申三月五日卒。是年冬臘月十四日殯於先塋之西。平江吳縣。

至德鄉茶塢山。後署孝弟崇修。杖淚拜書。正書在寒山法螺寺中。署其先世官職。悉與史合。惟雋作雋。

又稱初娶管氏。再醮錢氏。攷禮記昏義。父親醮子而命之迎。又說文云。醮冠娶禮祭。則男子重婚爲再。

醮於義方合。

宋故黃州判官從政魏公壙志。魏名玠。嘉定癸未六月丙子卒。明年三月庚申葬吳縣長洲鄉祝塢山。

子汝礪撰并書。正書稱親末進士張一新填諱。曾祖冕見中吳紀聞及郡志。

永定鄉人造井題記。嘉定十七年十二月正書。在府治東西米巷。

雙塔寺公據碑。據給於慶元二年六月。寶慶元年六月住山師哲跋。而刻於紹熙壽寧萬歲禪院記之。

陰。皆正書。在寺東壁。

重修天慶閣記。高之間誤。趙盛彖額。寶慶二年三月立。正書。在玄妙觀。

范通議宅碇基簿碑。在義莊。契置用錢數。自嘉定十七年至寶慶二年四月。

安養院記。寶慶二年八月。天台陳耆卿記。正書。即刻於紹興唱酬詩之陰。

泰伯廟楊簡詩碑。八分書。無年月。簡宋史有傳。以上自紹興至寶慶凡冊三種。

平江圖碑。正書。大小不等。在府學。無年月。末有呂樾、張允成、張迪姓名。乃刻圖之人。因攷府學嘉定八年記。長洲縣學慶元六年重修主簿廳記。又紹定二年嘉定縣學記。皆有張允成、張迪刻工姓名。則此非寧宗時卽理宗初年物。

吳學復田記。紹定二年八月。天台陳耆卿記。會稽石孝隆書。并題額。正書。在府學。

嘉定縣學記。紹定二年中秋。沈璞記。并書。正書。首尾廿行。二卅七字。二徑寸許。在縣學。爲嘉定建縣弟一碑。文載縣志。多竄改處。錢氏跋尾載之。

吳郡梅隱菴記。紹定三年十二月。范元衡撰。趙琳書。正書。方萬里題蓋。在盤門內瑞光寺大殿壁間。錢氏跋尾載之。

虎丘蔡熙國兄弟題名。紹定庚寅七月。正書。在石壁。

給復學田省劄。紹定元年十月三十日。三年九月。日。正行書。不等。是年十月。秦亨跋。行書。

顧衙復泉井題記。紹定三年十二月。正書。在葑門內望信橋邊。

行在尙書禮部符。紹定四年九月。

平江府給寺僧立石執照。寶祐六年二月。與上符同刻一石。正行書。不等。在鄧尉山光福鎮廢寺中。

判府編修添置養士學田記。額正書。六行。字徑三寸強。記卅行。徑四五分。皆正書。稱判府編修者。據後唐夢翔田租記云。郡太守編修鄒公。發俸資。置田。當卽吳郡牧守題名中之鄒應博也。所記鄉名。如循

義及崑山之新安皆不見姑蘇志碑言契用之錢每若干貫以九十九爲百二書陌租米之斛皆云係市斛可見當時官斛亦有不同碑無年月及撰書人姓名在嘉定縣學

袁肅簡僧普華詩碑 紹定五年二月肅簡詩行書普華跋正書在雙塔寺錢氏跋尾載之

吳學義廩規約 慶元二年正月葉適題行書後列約凡若干條碑在府學

願巡市張國義井題記 井凡八面一面刻義井二字二徑四寸許一面刻記七行字徑七八分記云願

巡市龍王廟西居住奉空佛弟子張國謹發誠心施財收買磚灰命工砌造義井一口所將空功德專用追薦亡妻陶氏三四娘子洗滌穢塵早超空淨土成就空往生者空端平二年三月望日孝夫張國

謹題井舊在嘉定南門外瞿先生中浴題識於後移置學宮

常熟縣修建學宮記碑 端平三年十月魏了翁記并篆額嘉熙改元四月乙丑朔袁甫書正書按魏文

靖袁正肅皆見宋史此文可證琴川志所載之誤

義莊椿留公用錢關石刻 端平三年十二月正書

常熟縣教育言子諸孫記 嘉熙改元四月袁甫撰并書正書王遂題蓋遂宋史有傳琴川志載此文亦

多脫誤

常熟縣經界記 嘉熙二年秋八月杜範撰并書正書曹鹵篆額二人俱見宋史志載此文多誤字

司馬文正隸書思無邪公生明碑 淳祐元正摹刻在府學元正度元年正月也

疏廣傳語碑。淳祐辛丑孟夏陳壇對刻明清堂在府學卽刻於何同叔所刻篆書竹字碑後壇見郡志
牧守題名又見宋史。

經筵薦士章藁碑。前刻紹興手詔下刻熙寧中陳襄上進司馬光輩卅三人皆列銜并評隲品行學問。
淳祐元年七月陳壇題正書在府學。

虎丘潘枋等題名。淳祐癸卯中秋正書在山門厓上。

鄭孺人壙志。其夫周君錫撰文十二行二十六字二徑七八分淳祐四年十一月正書出嘉定縣西門
外今移嵌明倫堂東壁志稱其父官訓武鈴轄宋制武階正八品君錫自署官爲承信郎乃從九品此
武階之最小者文云耐葬嘉定縣守信鄉積慶庵翁姑墳塋之旁舊志分縣劄言守信鄉舊名春申据
此宋時已有此名矣姑蘇志言積慶庵歸并月浦與勝教寺在烏涇宋端平閒里人揚九捨宅建今庵
寺及涇名皆不見於縣志。

帝王紹運圖碑。正書在府學。

天文圖碑。同上。

地理圖碑。同上。以上皆淳祐丁未仲冬東嘉王致遠書。

施判司宅修井題記。淳祐七年臘日正書在葑門內東小橋南地名東街。

范文穆偃松詩殘刻。有丁未臘日僧智贊跋在靈岩山。

守吉州助教郭鎬井闌題記。淳祐戊申六月正書。在醋芳巷。

嘉定縣重修縣學碑并銘。淳祐中王遂撰并書。黃自然篆額。在縣學。

井闌題記。淳祐庚戌三月正書。在郡城張果老巷之祝家橋。姓名漫滅。首行有周百一官元買到云云。

藏一山人訪鄧道樞題名。淳祐十年三月正書。在虞山。

菩提寺山門橋題記。記凡十二行。字徑七八分。行書。在寺內。文云。當寺比丘文敏。謹將平日赴請。授到

官會壹阡貫文。添助勸緣。重新建造山門石橋。所萃福利。上答四恩。下資三有。法界衆生。同躋覺路。淳

祐十年歲次庚戌十一月十三日謹題。

集祥里人義泉題記。淳祐庚戌正書。在布政司大街兩面分刻。

虎丘程振父等題名。淳祐辛亥春分正書。在試劍石旁厓上。錢氏跋尾載之。

嘉定縣修學記。淳祐辛亥夏五月林應炎撰。正書。在縣學。辛亥爲淳祐十一年。林侯在嘉定任弟四年。

包山陳翼等題名。淳祐壬子元日正書。在陽谷洞口石壁。

吳太伯廟迎享送神辭碑。龔頤正撰。淳祐壬子季秋望日重刊。陳信伯書。行書。潘紀立。在泰伯廟。刻於

重修至德廟碑之陰。以上自紹定至淳祐凡卅七種

重建陽山西白龍母廟記。李起撰文。王炎書。鄭羽題蓋。寶祐改元。高彥博立石。行書。見舊搨本。所述龍

母事蹟。與郡志所載略同。

吳郡鄉舉題名碑。紹興十年至寶祐六年。在府學。

菩提寺禮部告示碑。首行行在尙書禮部。及末右告示僧懷楚仰知悉。皆大字。徑寸餘。中列狀據十三行。皆低一格。字徑三分許。行艸書。無年月。刻唐興殿記碑之陰。据文證之。當屬寶祐中所刻。

第一泉井題記。存第一泉及大宋國峕宋開慶數字。餘不可辨。在郡城獅林寺。正書。

常懋詩刻。懋宮偶成七律一首。字徑寸許。艸書。在嘉定縣集仙宮內。懋宋史有傳。作懋。曾知嘉定縣事。方塔寺碑。宋淳祐景定間人。題贈僧無擇詩與偈也。已漫漶不可盡識。在常熟縣方塔寺。

封劉錡爲天曹猛將神勅。景定四年三月。正書。在靈巖山下盈農莊廟。劉爲南渡初大將。最爲金人所畏。詳宋史。

鳳凰鄉人修井題記。景定四年四月初八。在烏鵲橋。正書。

義泉。景定甲子上谷重修。在郡城內。黃午坊橋西巷內。十廟前八角井上。正書。

嘉定縣學重修大成殿記。咸淳二年夏四月。林應炎記。趙崇聲書。并立石。行書。在縣學。篆額五行。字徑三寸許。記十七行。二卅一字。二徑寸許。

嘉定縣學田租記。咸淳丙寅七月。旣望。合沙唐夢翔書。正書。十二行。字徑六七分。在縣學。

有宋太安人徐氏墓誌銘。國子監進士陳鑒撰。迪功郎前永州二學教授陳伯錢書。奉國主管機宜文學楊綱篆額。咸淳二年十二月二十六日。葬於崑山蔣浦之北。石今在安亭鎮孫坤家。

白蓮泉義井題詩并記。咸淳丁卯正書。在郡城。

亨泉詩并題記。咸淳四年正書。在杉瀆橋南大街。

常熟縣將仕郎朱闕典重建白塔子橋記。咸淳五年三月初六日吉時正書。在橋洞內。橋名不見於平

江圖。

張真君行祠免賦府帖石刻。咸淳六年七月行書。後列書寫典級等銜及姓。而不署名。

張真君行祠免苗稅記。下已斷。與上及廣惠行祠碑。俱葉紱之訪得。亦列銜及姓。

邵必達義井題記。咸淳辛未十月正書。在乘魚橋側葛家巷。乃邵必達爲其女身亡而立。記內自稱慈

父頗古雅。勝於妻亡稱孝夫者遠矣。

宣聖象碑。在府學。咸淳十年七月。後云吳郡文學董師諫、郭夢良、命工敬刊。

義莊建祠撥田尙書省劄付等碑。咸淳十年。皆正書。

改造渡僧橋石刻。咸淳十年十月。文云九卷洞橋者。卷環古轉聲。潛尙書者爲潛說友。後題上高都料

作頭。及監董贊助、幹緣、勸緣、撰疏等名。

虎丘戴覺民等題名。德祐乙亥正書。覺民見姑蘇志守令表。

樂安鄉人造井闌題記。正書。年月磨滅。在西米巷內。郭市橋北街。

虎丘章珉題名。正書。無年月。吳郡圖經續記載有章珉遺事。

又王闕等題名。正書。在劍池外石厓。

又關詠仁等題名。正書。在寺內。已殘缺。

包山趙明叔等題名。正書。但記甲辰九月。在陽谷洞。

又王兌等題名。正書。不題年月。在陽谷洞西壁。

宋故閣門寄班祇候洪公之墓。正書。六行。字徑二寸五分。在嘉定縣城西八里許。有土地祠。名朱巍廟。

神座下嵌此石。廣不及二尺。其碑之上。橫題此十二字。下有文十行。已不可辨。末行有哀子某泣血撰

數字。亦正書。字約五六分。洪公之名不可攷。土人云。墓去廟約里許。此石於父亦稱哀。頗與古合。官名

見宋史職官志。錢氏跋尾引之甚詳。

重建章家橋題記。在望門橋東南小橋柱上。正書。止存重九日章府一力重建數字。年月無攷。章氏源

流。詳中吳紀聞。

顧氏五二娘捨輓柱記。正書。在木瀆鎮。無年月。

張睢陽廟浦祚等捨錢石刻。廟在虞山南麓。無年月。

馬浦巷郁成捨輓柱記。正書。在吳縣靈岩鄉盤門外。無年月。以上自寶祐至宋末。凡卅三種。

重建醋坊橋題記。至元丁亥閏月。正書。在橋洞。

長懺觀堂莊田記。至元二十六年十一月。僧德闕立。在嘉定南翔寺。碑分兩截。上刻徐有林捐田數并

記。字徑四五分。下截刻管必勝捐田數并記。字略小。皆正書。年月在下截。上截已漫漶不可攷。

硯石里重建香花橋題刻。至元二十六年。臘月。正書。在木瀆鎮靈巖山左近。記五行後列施主姓名。十

四行。中有稱真慶院。不見於舊志。

常熟縣令孔文貞去思碑。至元二十九年正月。闔邑紳士耆老百姓等共立石。正書。無碑額。及撰書人

姓名。碑在縣學。姑蘇志。但於守令表列其姓名。錢陸燦續志。人物傳語也不詳。可據此碑全文增入。

平江路報恩萬歲賢首教寺碑。閻復撰并書。徐琰題蓋。至元二十九年八月望日。住持處薰建。正書。在

報恩寺。俗稱北寺。錢氏跋尾載之。

平江路常熟縣重修文廟記。至元三十年十二月庚寅。閻復撰并書。徐琰題蓋。行書。閻復元史有傳。題

此碑正以桑哥事免官。故題銜中稱翰林學士。

文正范公祠記。徐琰撰。李處巽書并篆額。至元卅一年正月廿日記。義莊提管士貴立石。八分書。文載

二范集。略有不同。

范文正公義莊義學蠲免科役省據。後署右付范士貴收執。准此云。二行書。

府學銅豆并象尊款。有至元癸巳。李淦鑄。吳郡學祭器十二篆字。分兩行。

府學銅爵并豆簠等款。文云。元貞元年己未。李淦方文豹鑄。皆篆書。

祭器碑。盱江李淦撰。嚴陵方文豹書。元貞元年十月。正書。在府學儀門。

學道書院銅爵并豆蠡等款。文云。大德二年中秋日。平江路學道書院山長慧陽倪奎。自命工造。正書。此院舊爲先賢言子立。初在府城東北隅。凡數遷而仍廢。祭器歸入學宮。倪奎又造。有爵五。坩廿四。文皆同。

大成殿記。燕公楠撰。李世安書。馬紹篆額。大德二年十月。正書。下列學正等銜位姓名。

趙吳興臨褚河南書枯樹賦。大德三年九月。後有孟淳、白珽、陳深、宥古、錢翼之、周天球、王世貞跋。皆弁州山人模刻。

黃老媽義井題記。文云。大德八年六月旦日。岡士主黃老媽捨財重建。正書。

平江路總管造編鐘款。文云。大德乙巳十月。平江路總管朵兒赤。教授劉惟肖造。杭州路儒學樂師施得仲。正書。儒學志云。鐘凡十有六。今佚其四。

湖州路長興州至德鄉第四保章廿九郎等施財開井記。大號十年十月。正書。在郡城獅林寺東。證覺精舍記。大德十年八月初八日。僧明本書。正書。在吳縣吾家山。攷卽鄧尉之支山。志乘不載。證覺精舍并中峯此記。

重建留珠蘭若記。至大改元九月。洪喬祖記。趙孟頫書并篆額。正書。四明茅紹之模鑄。在吳江縣卓墓村。近人作百城煙水一書。亦載此文。相傳子昂書。以茅刻爲佳。

常熟知州盧侯生祠記。周馳撰。趙孟頫書并篆額。正書。至大四年正月七日。下題閩州士民陳少雅等

三十餘人姓名立石。今在縣學。

詔旨并省劄碑。大德十一年七月詔。至大三年七月立。皆行書。後列銜位姓名。在府學。

詔旨加封大成碑。大德十一年詔。至大三年立。皆正書。首尾卅六行。字徑三四分。篆額兩行。字徑二寸

半。後列銜位姓名。在嘉定縣學。

趙文敏書李愿歸憐谷序。皇慶元年四月。行艸書。在太倉州學校。元刻本及王伯大音釋本。皆不盡合。

趙文敏蘭竹石刻。款云。願善夫以公事至都。將南旋。用此紙求畫。乃爲作此圖。子昂。今其石不知所在。

平江路常熟州重修廟學記。皇慶改元二月朔。儒學教授唐泳涯撰。後列立石銜名。皆正書。今在縣學。

攷泳涯。及列銜中之達魯花赤火爾赤。知州韓居仁。王英。同知呂儀之。陸忽彬。判官李伯榮。任伯通諸

人。姑蘇志皆未收。錢陸燦續志。止收泳涯。及韓居仁。王英。而李伯榮。誤以其官敦武爲名。王英傳中卯

酉二字。又以古文卯誤點畫。

嘉定州集仙宮重修東嶽行祠記。張與紹書。張與材撰并篆額。皇慶元年竊月。住持孫應元立石。篆額

五行。字徑三寸許。記文十九行。行書。字徑八九分。在縣東集仙宮。攷記中稱陳公者。縣志題名中之陳

邁也。集仙勅額。本在安吉縣。道士葉子琬始移揭於此。張與材署銜太素凝神廣道明德大真人。元史

釋老傳未載。碑書靈作靈。二在廣韻十二青。雖俗字亦有所本。錢氏跋尾載之。

平江路嘉定州集仙宮瑞竹記。皇慶元年竊月。張與材立。署銜同前。艸書。額正書。徑五寸。記十二行。字

徑八九分。錢氏跋尾云。元時集仙宮道士孫應元。嘗於齋前倒插竹一枝。已而得活。後遂成林。因以名軒。吳禮部集。又有嘉定黃氏瑞竹詩云。練川誇瑞竹。黃氏見高門。富麗應如此。時來豈有根。則同時有兩瑞竹事。邑志惟載集仙宮竹。黃氏竹鮮有知之者。

集仙宮倒插竹圖并詩碑。篆額六字。徑三寸許。圖畫竹十餘枝。下題倒插竹。字小正書。詩十九行。字徑八九分。行書後署名。玄真子詩所云盧公者。度卽住持盧真祐。玄真子卽周鶴林。梗概見張米庵真跡目錄。及李日華六硯齋隨筆。

重開義井題記殘字。皇慶元年十二月。正書。在郡城琵琶橋。

崑山州重建海寧禪寺碑。元祐二年四月。趙孟頫撰并書。行書。杜熙篆額。在太倉城內寺中。文多譌字。疑爲後人臨本。重刻碑末題元祐尤謬。文敏署銜集賢。元時無此閣。應稱集賢直學士。

重修閻橋題記。延祐乙卯仲夏重修。八字。在婁門。

上真殿記。首尾十七行。字徑寸許。篆額橫列。字徑三寸。延祐四年正月望日。東喜章書。孫應元立石。行書。在集仙宮。

重建德慶橋題記。延祐丁巳季春。正書。在橋洞。

嘉定州儒學造祭器款。延祐四年十月。朝散大夫平江路嘉定州知州任立。儒學教授王虎直學。正書。在縣學。器凡二種。一圓有蓋。一長方四角。乃簠簠之屬。文勒於下以。

海寧寺洪鐘款。正書。署款一行云。皇元延祐四年歲次丁巳十月甲子朔越十日癸卯。崑山海寧寺洪鐘成。朝列大夫崑山州知州兼勸農事王安。屬翰林國史院編修官章壽爲之銘。又有造寺男女銜位姓名。及助緣化緣寺僧匠人名。舊在太倉州海寧寺鐘樓。州於元時地屬崑山。故署款云二。其年月銘詞。及有銜位姓名。俱工整不苟。其餘多艸率。字多破體。如以娘作外。以吳爲興。以舉爲牽之類。鐘高七尺許。今移在州城東門內鐘樓。

剏建永壽禪寺記。延祐五年正月。呂師說撰。孫元規書。正書。無篆額。亦無標題。在嘉定婁塘鎮。錢氏跋尾載之。

趙文敏書歸去來詞。行艸書。末一行云。延祐戊午九月。門生崑山顧善夫摹勒上石。下有姑蘇吳天澤鑄七字。與前書歸盤谷序同出一人手。而文校今坊刻本。略有異同。善夫家太倉。摹刻文敏書畫甚多。惜皆散失。獨此與前序竝在學宮。

平江路總管造銅鬲款。文云。延祐六年歲在己未正月吉日。平江路提調學校官總管不八沙正議任內添造。教授陳伯監鑄。凡五行。正書。姑蘇志不八二字。誤倒。儒學志載犧尊四。添造銅七。鐙四。文皆同。圓通寺僧建橋題記。記曰。特授妙明圓悟普照佛心大禪師。大報國圓通寺住持明了。回施已資。一力鼎建。岿延祐六年歲在己未冬吉日謹題。正書。三行。字徑二寸許。在嘉定城中。俗呼察院橋橫石上。大報國圓通寺記。趙孟頫撰。并書。潘王璋篆額。延祐己未十月望。住持明了立石。行書。在嘉定縣治東。

北寺內元史高麗傳失書璋封藩王事又璋誤作章皆可補其疎舛見錢氏跋尾

嘉定州文廟祭器款 至治元年二月正書器凡二種一象尊一長方銅文勒底腹五行陰款

平江路重修儒學記 楊載撰趙孟頫書并篆額至治元年五月記七月徐震立

尊經閣記 至治元年良月趙鳳儀篆蓋趙楠書行書徐正立

嘉定州學編鐘款 文云朝列大夫提調學校官周思明教授劉德載直學徐伯岩知書鄭德昭又一行云林安壽吳庠樂師全勝予較正至治癸亥孟夏嘉定州儒學置皆正書縣志載鄭德昭爲至大間訓導此作知書年分亦不同舊編鐘十有六今缺其三

平江路嘉定州儒學大成樂記 天台周仁榮撰燕山薩德彌實書行書大名趙簡篆額二四行字徑二寸半記廿一行字徑寸許至治三年八月林安壽等立石在縣學

東嶽行宮鐵香爐文 王天祥題泰定甲子正月正書在玄妙觀東嶽殿前鑄作銚

東陽義塾記 鄧文原撰并書泰定元年四月朔日在寶山大場鎮沈氏

建橋題記 文云廣慧玄辨大師大報國圓通寺住持小師闕慧等施財鼎建石橋功德莊嚴闕二字和尚妙明圓悟普濟佛心大禪師了公覺高登上品更願冤親普度恩有齊資法界舍生同成種智空歲在甲子泰定元年七月日題空提點悅可善學善慶慧海監工在嘉定外岡鎮三元橋側

泮池疊石題記 泰定元年十月教授劉德載提調官周思明又有知書林安樂鄭德昭及直學姓名已

磨滅所記四岸疊石六層通計肆拾肆丈肆尺松栴計貳阡伍百陸拾叁根云凡五行參差不齊字徑寸許在嘉定縣學。

元故寧國路總管府推官楊君墓誌銘。黃潛撰。康里巒書。杜本篆蓋。泰定二年三月葬杭州錢塘縣履

泰鄉方井之原。碑未有吳郡字樣。据于司直天下金石記。此碑在蘇州府學。蓋刻於蘇而未經載往杭州。立於墓前後人移入郡學。楊元史有傳。大略與此同。碑中言友壻蔣堂乃吳人。

嘉定州儒學教授題名記。篆額五行。字徑三寸強。泰定二年七月金華劉德載撰。碑分三截。上記文廿四行。字徑七八分。下二截。各界十行。自元貞三年楊巽申起。至正十年吳靜觀止。十九人。大字八九分。小字四五分。皆正書。縣志守令題名多誤倒處。可据此正之。載錢氏跋尾。

建造泰定萬年橋記。文云。嘉定州東北隅林疇自施己財。一力鼎新。建造泰定萬年橋。四闕同窳。福利者。泰定三年十二月吉日。正書。在嘉定縣城中。俗呼東坡橋內。

天妃廟迎送神曲並序。泰定四年七月甲子。勾章黃向爲撰。沂陽董復書。嘉興吳漢傑立石。行書。在郡城天妃宮。錢氏跋尾載之。

嘉定州護國寺重建大佛殿記。在殿廊下文皆漫漶。年月及撰書人姓名已不可攷。行書。字徑八九分。篆額四行。字徑三寸許。寺創於宋天聖中。修於元泰定二三年。碑當卽其時刻也。寺在西城外。

甫里書院銅爵并壘洗款。文云。天曆元年戊辰。甫里書院山長陸德源誌。皆篆書。德源詳長洲縣志。及

黃潛所撰墓誌器在郡學。

楊大倫寄南窗鍊師詩。詩十五行。字徑寸許。後題天曆己巳孟夏一行。差小。皆行書。在集仙宮。楊嚴陵人。見後智玉成建學記及教授題名。

鏡門塘石橋題記。記云。浙西道平江路嘉定州守信鄉第二都閘二字里錢門塘南居住。奉三寶女弟子孫氏。閘二字同女張氏妙真。媳婦金氏。閘善閘宅。下謹發誠心。捐施淨財。一力鼎建錢門塘石橋一所。上答四恩。下資三有。四季三元。吉祥如意者。歲次己巳。天曆二年七月。孫氏妙圓謹題。在嘉定外岡鎮北官路旁。俗呼爲界碑。

重建拱星橋題記。記云。廣慧玄辯大師。大報國圓通寺住持。比丘崇心。提點比丘善學。悅可。善觀。耆舊比丘慧海。曇瑞。施財重建拱星石橋。功德莊嚴。宗寂開山和尚。妙明圓悟。普濟佛心。廣慧大禪師。了堂長老。增崇品位。更冀冤親普度。恩有濟資。法界有情。同圓種智。監造比丘普暹。歲次庚午。天曆三年正月。空日題。正書。在嘉定縣治後俗名東清河橋洞內。

報恩萬歲寶首教寺長生田記。黃潛撰。并篆額。郡人錢良右書。至順二年良月。住山沙門傳教立石。在郡城府署北。

嘉定州重建廟學記。教授大名智玉成撰。吳郡朱炎書。正書。辰南潘誦篆蓋。四行。字徑四寸半。記廿五行。字徑寸許。至順三年十二月。後列銜名。攷姑蘇志守令表。以斬端愛爲朝奉大夫。拜降爲僉武將軍。

與此題皆稱奉政大夫不合。又列拜降於斬端愛後，中隔十餘人，又不分斬爲知州，拜降爲達魯花赤，皆可据此正之。

碑陰 列匠人及諸色姓名二行。

重建永寧橋題記 至順四年正月，在婁門外，正書。

王德明重建福壽橋記 記云：浙西道平江路嘉定州第二都李巷村住民王德明，與家眷等伏念自身見年七十三歲，本命辛酉四月建生，幸因宿慶獲處人倫，每懷報効之誠，仰答生成之造，竊見本境湖堽門板橋，乃南北往來之要道，由是發心施財，一力鼎新，重建石橋，扁名福壽，使成不朽，以便經行。上願國泰民安，年豐物阜，次冀己身康健，五福備臻，家眷謚寧，子孫蕃衍者。至順四年歲次癸酉閏三月日吉時，謹題洞庭元山張應雷造。正書，頗端勁。在嘉定外岡鎮北二里湖堽門橋內。宋夾漈水利書云：太倉堽身之東塘浜二十五條，吳堽門其一也。此刻以吳爲湖，土人語吳湖無別而異文也。

功德泉題記 至順四年七月，正書，在祥符寺巷太伯廟前。

重修平江路學記 太常博士柳貫撰文，于文傳書，王克敬篆額，郡人錢良右模勒。至順四年九月，趙晉之等建。正書。儒學志載此文，中有脫誤處。以上自元至元五種。

建造青龍橋題記 僧悅可撰。記云：慈光齊照佛日大師平江路嘉定州泰定西隱寺創立開山住持中庭月可，回施衣資，一力建造青龍橋功德。上答四恩，下資三有者。元統二年正月日題。正書，五行，字徑

七八分在西隱寺南。俗呼校場街橋內。悅可詳練川圖記。

衆安橋題記。南廣寺僧如理重建。住持行滿題。正書。在太倉城南。俗呼井亭橋。

鳳凰鄉劉宅第二官人井闌題記。元統三年三月。正書。在郡城寶林寺。

重建永安橋題記。僧如理記。元統三年十月。正書。亦在南廣寺南。俗呼毛家橋。

重建廣壽吉祥橋題記。至元二年仲春。僧是真書。正書。亦在南廣寺南。近葛隆鎮。跨長涇。

范文正公祠堂記。汪濼民撰文并書。秦不華篆額。後至元三年正月壬子。正書。在郡學。

井闌題記。後至元三年仲春。正書。卽琵琶橋皇慶元年所刻之。又一面。

甘泉井題記。至元三年仲春。在郡城開元寺前街。

清河橋題記。記云。平江路嘉定州大報國圓通寺住持善學。闕二字。情者特發誠心。喜捨己資。一力重

建清河橋一所。以便往來所集。空洪因普報四恩。均資三闕。法界含靈。同乘勝果者。空岢歲在丁丑。至

元三年二月吉日。題。正書。六行。字徑七八分。在嘉定縣署後橋洞中。

義士沈君墓誌銘。王良撰。靳端愛書。王都中篆額。至正五年十一月。石在寶山大場鎮。王良元史有傳。

義士梗概詳邑志。及余所刻練川名人象傳。

大元佛慧圓明正覺普度禪師斷崖義公塔銘。虞集撰。柳貫書。巖二篆額。至元六年庚辰正月。在郡城

南禪寺外東園中。

壽寧萬歲教寺裝佛記。釋普琳撰。也兒吉你普篆額。至元六年。行書。似趙文敏而未署款。在郡城雙塔寺。也兒吉你普。姑蘇志作也里吉里卜。譯音無定字也。記首一行。稱重新粧變聖象記。與額異。

廣化寺橋題記。釋善權記。至正二年。壬午五月。正書。在橋內。

甘泉龍池禱雨記。遂昌鄧元祐撰。吳人錢逵書。至正二年八月。正書。姑蘇志載此文。有脫落。并刪改百六十餘字。

武略將軍鎮守平江分鎮嘉定等處萬戶赦侯政蹟碑。碑下半。已缺失。撰書人姓名。攷此碑爲黃潛所撰。文載潛集中。校每行少十九字。至正三年十二月。行書。卅行。二存卅字。二徑寸許。在嘉定縣治西伏虎土地祠中。

重修平江路儒學記。鄭元祐撰文。唐珙書。逸永貞篆額。至正五年十二月。正書。

樂橋題記。正書。刻在洞內。橋在郡城。攷橋建於赤烏二年。元至正六年十月。李道寧重修。當卽其人。而刻已磨滅。

虎丘雲巖禪寺興造記。黃潛撰文。并書。秦不花篆額。至正七年三月。正書。在寺門內。末行年月篆書。蓋立碑時重題。

李王紀績碑。昆陽鄭東撰文。三山張本書。正書。里人后輿篆額。至正七年仲夏。李王之事。不見於琴川志及姑蘇志。邑人錢陸燦續志。載長興李烈士廟。在致道觀西廡下。俗呼觀爲李王宮者。以此。并載有

洞簫財賦海牙者。其謂以千字文編排。四截皆小正書。徑三分許。第四截已不可識。末有薛元德書跋語。及監工鑄人姓名。字徑四五分。同在縣學。

實際川禪師影堂逸事。至正九年仲秋前。玉几松月道闕正印書。行書。在崑山城東永懷寺。

廣福橋洞題記。至正九年仲冬。有光福教寺住持僧溪雲從。及募緣僧前。常州善權寺允迪。施財里士等姓名。已殘蝕不全。正書。在光福鎮東塘灣橋洞中。義興舊有善權張公二洞。爲唐以前古蹟。中有唐人題刻。此善權寺是也。

廣福橋洞施主姓名。亦在前橋洞內。皆正書。所稱講主院主庵主長老維那知客外。又有稱殿主山主都文者。當亦緇流也。歲疑藏之別體。其所稱庵寺。有奉慈竺峯寄心無爲等名。皆不見於姑蘇志。

長洲縣重修學宮記。會稽楊維楨製。臨川危素集。歐陽詢書。鄱陽周伯琦篆額。至正十年七月朔。楊牖等立正書。在縣學中。有奄刺可林。舊志守令表無年月。据此可補。碑亦無知之者。

平江路城甌文。正書。五字。爲張士誠入據增置月門時所制之甌。

平江路儒學銅甌款。至正癸巳仲秋。正書。在府學。

崑山州重新泰安橋記。至正十三年十二月日。董立司吏趙文敏題。後列募緣僧及銜位姓名。橋翔自泰定丙寅。至是重建。在太倉州城外西馬頭橋旁。

教授題名記。至正十四年四月朔。朱孔昭撰額。橫列正書。五字。徑二寸強。上截記文十九行。字徑七八

分下四行。大字略同。小字徑六七分。皆正書。至正十一年至廿一年十年中。四人朱居首。韓浚嘉定縣多誤。可据此正之。

造象題記。一刻邵氏富三娘。一刻福岩比丘尼本源。至正十八年三月。皆正書。据文有福岩庵之名。姑蘇志載在長洲縣一都。泰定中建。卽此與否不可知。

金粟道人小象。標題篆字。顧阿瑛自題詩。倪瓚題贊。時戊戌八月。當屬至正。雲林時年五十八。皆小正書。石在嘉定。舊藏王氏。

嘉定州重建儒學記。楊維禎撰。褚奐書。周伯琦篆額。至正廿一年辛丑二月。陳公禮立。八分書。字徑寸餘。在學宮。未有盧奐摹刻四字。又有仲章二字。盧氏子孫四字印。他碑所未有。錢氏跋尾載之。

平江路總管周侯興學記。遂昌鄭元祐撰。錢逵書。周伯琦篆額。至正二十一年三月。正書。後具立石銜位姓名。

溫州路總管陳志學壙誌。首一行云。先考陳公壙誌。末一行。孤哀子逢祥等誌。庚友丁卯科進士奉訓大夫前江西等處學提舉楊維禎填諱。皆正書。在崑山馬鞍山下。攷明人吳下塚墓遺文。載又有楊維禎撰墓誌。敘事與此略同。其文亦云。余與公爲庚友。字甚工楷。無書者姓名。

靈惠英烈福濟忠正李王靈籤題刻。諸聰題。至正二十二年十一月。正書。在籤語斷語之後。在常熟縣李王官顛末詳祠山事要。

常熟州修學記。臨海陳基撰并書。行書。鄱陽周伯琦篆。書六字在首行下獨大。碑上無額。後列教授等銜位姓名。至正二十四年二月。

玄妙觀方丈通神庵記。紀年磨滅。存七月望郡人陸元吉書篆額。及立石銜位姓名。亦殘蝕不全。隨意井泉題記。在翦金橋北。年月姓名不可辨。中有上元鄉字。姑蘇志言管都四。在城內。

集仙宮易大監詩殘刻。凡三石。一上存四行十字。一下存兩行五字。皆正書。一存六行。前題啓峯成道。易大監。旁注至元間致仕來游作。皆行艸書。在宮內。

倪雲林象并墓誌銘石刻。誌銘鐫於象之上方。末署長樂王賓著。皆小正書。另石刻王翰林補銘詩。與前金粟道人象。均爲嘉定王氏舊藏。

平江路甄文。正書平江路三字。出嘉定東城。甄今藏古泉山館。以上元統至元末凡書四種。

曩以瞿氏古泉山館所集吳中金石文字。逐一編次。并摘攷證列其大端。或有未載之本。就目睫所及者補之。彙為一帙。凡經前人箸錄。如寶刻彙編所載橫山頂舍利靈塔銘。嚴德盛製魏瑗書大業四年九月八日立清遠道士詩。顏真卿與李德裕追和無年月春申君廟碑。趙君貞撰史維則書分重建龍興寺碑。房瑄撰序蔡母潛銘徐挺古書分書沈篆額真元十劉允文撰劉苑書大德元浩和尚靈塔碑。崔恭撰并書正及志乘所紀四年重立新開常熟塘記。元和四年二月尚多以未見搨本。概未收入。今年夏偶於行篋檢得。繕出清本。鄭盦潘君祖蔭見而善之。慫恿付梓。惟各搨本道遠難致。不及覆校。疏漏尚多。敢質博覽。咸豐元年十二月程祖慶識於都門寓齋。

彝爲程君稚蘅刻此書。距今已二十五年。稚蘅於咸豐丁巳赴楚南。先是稚蘅進呈太白陰經。特旨賞實錄館謄錄。議敍鹽大使。其需次楚中貧甚。依張東墅前輩於永順。閱數年。東墅來京。知稚蘅亡矣。稚蘅爲序伯丈長子。善畫。好飲酒。瀟灑似魏晉間人。浮沈下僚。侘僚以歿。無子。有一弟在滬。聞序伯丈以恬養智齋全集二十四卷。散文駢文若干卷。張東墅前輩已爲刊行云。光緒元年乙亥七月。吳縣潘祖蔭。



王雲五主編

叢書集成初編

吳郡金石目

中華民國二十五年十二月初版

編者 程祖慶

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

詳



83
14
1533